

Anno M. deribus Jerosolymæ festum celebrarent, & novi Templi fundamenta jacerent, vicini infesti reducibus, turbare operas ædificantium instituerunt. Post etiam, sublato Cyro, sub Filio ipsius, & successoribus, *Dario*, *Xerxe*, *Artaxerxe*, quod cœptum erat, editis regiis prorsus impediverunt. Nec melior fortuna fuit Judæorum, qui in Babylone remanserant. Nam calumniis *Hammanis Amalekitæ* apud *Ahasuerum*, sive *Xerxen* Regem in extremum adducti discrimen, periissent universi, nisi *Estera* consilio *Mardochei* deprecata pro gente, malum divertisset in autorem suum. *Dario* autem *Notho* rerum potente, hortatu Prophetarum *Haggai* & *Zachariæ*, & permissu Regis denuò aggressi opus, *Templum* brevi tempore absolverunt, ritúque solenni consecrârunt.

3499 *Joachim* patri successit in Pontificatu, quo tempore *Esdra* Sacerdos ex posteritate *Eleazaris* ab *Artaxerxe Mnemone* dimissus, cum multis sacerdotibus & Levitis rediit Jerosolymam. Ditavit Templum illatis in illud donariis Regis & Principum: ordinavit Ecclesiam: promulgavit Legem Mosaicam, & de novo descripsit, habitaque quæstione mulieres alienigenas Judæorum connubiis exturbavit.

3527 *Eliasib* excepit *Nehemiam* Principem ab *Artaxerxe Mnemone* dimissum in Judæam. Hic ex ruderibus mœnia Jerosolymitana excitavit, & novam urbi formam dedit. Cives per vicos distribuit, & magnis oneribus

bus